

慶州李氏世譜序

家之有譜如國之有史而無史何以爲國家而無譜何以爲家譜者所以重統系序昭穆壹宗族合疏遠尊尊親親作爲一家之史欲傳之悠久也窃惟我月城之李自得姓以來源長而派遠根深而葉茂羣賢輩出道學節義勳業文章比代并生耀國乘而播輿論子姓之蕃衍科甲之蟬聯實爲海東之巨族名閥而間或有派譜未嘗有大譜粵昔 白沙先生以忠蓋元老思所以孝先合族肇朔敦宗契有序文此亦大同譜之意也逮夫三湖堂公設大同譜編摩世次詳述世德其後鰲恩相公暨琶西公合議繼述加勉親睦之誼式至于今即戊辰甲戌譜是也嗚呼挽近世級漸降子孫愈繁散在各省無所統紀矣不意嶠南雜流私設僞譜紊亂派系以欺愚昧之殘宗若不此時續修大譜實非遵先憲而亦難辨眞僞也余以是爲懼迺與鰲春尙書協心鳩工防遏橫議之紛紜爰設大譜重修之役因於役鉅財紕三年未就不幸鰲春尙書中途捐館可勝嘆哉然而舉宗大事不可廢棄迺與其哲嗣圭桓侍郎橘山相公令嗣前副卿虎榮殫誠竭力功始告訖蓋其規模則一遵舊例或因時制宜益軫惇睦之

詎若其存革筆削皆有明証以俟後之君子而不敢以余寡陋謂宗事之已了也嗚呼遙追先休謂之孝啓佑後人謂之慈惇宗收譜謂之睦此三者人倫之至資此而維持門戶者也世之燁赫公卿家非不多矣一再傳之或衰替不振可不懼哉今我同譜之人益加勉勵以敦睦爲心勿以代遠親盡而忽之至若患難疾苦善惡修悖了不相關但披譜攷据某爲某派某爲某孫而已則惡在其同譜之本意乎雖百世遺澤升降不同千里分居慶吊靡接者遵此修譜之誼皆同一室光前裕後不亦可乎古人云孝悌之心油然而生余亦以此竊有望於宗中僉君子焉

戊午菊秋上澣

裔孫從二品嘉善大夫前宮內府特進官 鍾 弼 謹序

戊辰譜序

慶州之李是東方舊族也漢宣帝時始祖以楊山村長佐羅祖開國而儒理王賜姓李氏古者軒轅之王天下也有子二十五人其得姓者十四則是有土有官得以爲姓也開國功臣之賜姓豈以是歟周禮樂官司商定音律制姓名鄭公孫揮辨於大夫之族姓班位貴賤姓氏分別其來亦久矣漢晉以後紀譜志族盛於歷代而歐陽公取法於史氏之年表蘇老泉取法於禮家之宗統黃山谷譜七世以上疑不能明者略而不著蓋慎之也我東三韓之世文獻無徵新羅百濟高句麗瓜分鼎峙爲干戈疆域而史牒不全況於氏族之譜系乎李氏始祖以下爲羅世臣而譜錄無傳至羅季蘇判公紀其世次按羅史世家大族號稱眞骨大骨而蘇判秩貴惟眞骨得授是職則可知其世爲貴族也蘇判公之孫事麗太祖仍繼世簪纓僕射公有三子皆以文章大顯益齋眉州詩序吾大人三昆季雖不敢自比於蘇家父子亦可以名勳一世非誇也三世八卿四文衡五魁元古亦未有趙簡詩具慶提衡罕見聞閔漬詩華葦三家五榜魁者是也逮乎我朝名公碩輔節義文章考諸名臣錄文衡譜鼎席盟府玉署藝

苑諸錄彬彬相望支派蕃衍而無一染涉於凶險污辱此莫非祖先懿範休澤之所及而凡爲子孫者其可不思勉飭繼述之道乎舊譜之刊甲子重回諸派之孫已易三世皆當追錄故又此續成審稽遺文旁據諸譜而正其訛舛補其闕畧參用年表宗統之遺法舊譜之未備者旁註添錄而疑者闕之亦致慎之意也程子曰管攝天下人心收宗族厚風俗使人不忘本須是明譜系收世族立宗子法今我同宗之人本出於一人之身而轉爲面目不知聲聞不及之人其不至於相戕剪同禽獸者幾希顧念其本寧不慄然宗法譬猶木之正幹分而爲枝又有旁枝達而爲幹所謂天子建國諸侯奪宗而亦各有大宗小宗親疎近遠之分同五世爲近宗同十世爲遠宗溯以上之雖百世千世亦同宗也近者親而遠者疎亦天理之節文而同宗則同本不識面不相聞而不同於路人者以譜系之明也人旣尊祖重本而推其孝悌之心則朝廷之勢自尊今此世譜之修不但收族敦宗而尙亦有助於 聖朝厚俗之政教云

裔孫嘉善大夫行承政院都承旨兼 經筵參贊官春秋館修

撰官藝文館 直提學尙瑞院正 重協謹序

甲戌譜跋

昔我先祖白沙先生著慶州李氏同宗稷序以念祖修德之義以勗諸宗而伊時則未有族譜也東方世家大族家各有譜近世此風甚盛而吾宗則肅廟甲子始成譜伊後英廟戊辰又刊譜余名亦入譜中而戊辰以後一甲且周已入譜之幼者長且老而後生之未入譜者又不知爲幾千萬京外諸宗有重刊之議而以財力之難辦慎重趙趙相持累歲洛下諸宗與宗人敬文甫力主發通之舉盖宗中旣無雄蕃巨邑可以廩餘捐財者不得已爲歛財各名下之計所歛之錢爲累千緡設廳開印經年閱歲因掌財者之不善綜理財訕舉贏役將有中掇之慮敬文甫慨然發論收拾始刊之本下徃嶺南盖宗人集老甫方爲慶山宰一榮甫爲靈山宰遂以集老爲都有司兩邑宰合力設局於慶山邑廨而印成之若非敬文之奔走京鄉鳩財董役則吾譜豈能登梓乎其誠誠可嘉也咸謂竣役之後不可無跋文茲叙重刊顛末是爲跋

白沙先生六世孫大匡輔國崇祿大夫原任議政府左議政兼領經筵事監春秋館事鰲恩君致仕奉朝賀敬一跋

○慶州李氏世譜卷之二

一世

新羅佐命功臣
李謁平遠代孫

居明

蘇判新羅官
制蘇判惟眞

骨受之唐令

狐澄新羅記

新羅貴族謂

之骨始祖以

下失系李牧

隱撰益齋墓

誌只載蘇判

以下李力

世均妙訓

官所漸

不發中

蘇判世門

蘇判

蘇判

二世

子金現

兵部令新羅
法興王置兵

部令大阿餐

角干爲之得

兼宰相羅麗

習俗父子襲

名如權幸子

仁幸襲直子

直達是也公

之父子以金

字名恐是此

例或言公賜

姓羅朝而入

麗後復姓

三世

子金書

中原太守戶
部郎中始仕

高麗

配金氏敬順王

第三女麗太

祖外孫號神

鸞宮夫人敬

順納土入朝

高麗太祖妻

以長女樂浪

公主比之神

鸞賜號其宮

麗初李開亦

以慶州之李

爲陝川戶長

仍貫江陽江

陽陝川屬縣

也

四世

子潤弘

兵正高麗仍
置兵部令及

兵正秩視宰

相

五世

子承訓

正朝侍郎高
麗官制內史

侍郎門下侍

郎平章事中

書侍郎選秩

六品曰卿職

七品曰正朝

六世

子周復

左司諫高麗
穆宗改左右

補闕爲左右

司諫秩六品

麗史李周佐

慶州人穆宗

朝登第官刑

部尙書似是

公之兄弟行

而譜牒無傳

子齊廷

侍郎

七世

子備

天見

天

慶州李氏世譜卷之二